



BIBLIOTHECA
UNIV. JAGELL.
CRACOVENSIS

905457

Mag. St. Dr.

II

De
prospera Electione Regis
Poloniae
inter Varsaviam et villam Wola
a. Dni MDCCXXXIII
peracta
equitis Poloni ad amicum confidentem
Epistola.

^{mm}
374 / *bross.*



905457 **II**
Mag. St. D.

Semin. hist.

544.

7

DE
PROSPERA ELECTIONE
REGIS POLONIÆ

Inter Varſaviam & villam Wola

ANNO DOMINI MDCCXXXIII.

PER ACTA
Equitis Poloni ad Amicum Confidentem
EPISTOLA.



374

BIBLIOTHECA
UNIV. ~~ARABICA~~
ORDINARIENSIS

905457

Bibl. Jag.

St. Dr 2006. D. 203/41 (149)



ost deploranda & nunquam satis dolenda Serenissimi AUGUSTI II. fata, quæ tibi nuper jam satis accuratè descripsi, post iusta & pompas Regiis funeribus JOANNIS III, AUGUSTI II. & Reginae Mariae Cracoviam transferendis impensas, finio jam librum Tristium; latiora tibi de novi Regis Electione annuntians. Præterquam verò quod à me aliquoties flagitaveris ut tibi rem hanc verè atque fideliter, uti testis oculatus describerem, impulit me ad id falsitas earum quæ circa hanc rem publicis tabellis (quas vulgò Genetas vocant) continentur narrationum. Cum enim ii qui iam intererat ne Electio hæc legitima, uti revera est, putaretur, tantam in occultanda veritate, inque spargendis rumoribus à veritate prorsus alienis curam adhibuerint, cumque pagellæ illæ typis vulgatæ omnium jam terantur manibus fidemque apud non paucos, viros alioquin bonos, inveniant, operæ pretium duxi fidelem atque nitidam instituere narrationem eorum quæ ipsemet vidi atque audiivi cum nuper Varsoviæ Electioni Regis interesssem.

Magni certè momenti est hæc Electio, incomparabile factum & æternâ memoriâ dignum, adeo ut fastis nostris inscribi iustissimè mereatur, documento planè singulari &

exemplo posteris futurum Deum O. M. Regnum hoc à vicinorum oppressione liberasse; libertatem, quā prae ceteris gentibus gloriamur nobis integram conservasse, ad hæc vota atque consilia tot gentium moribus, studiis, voluntatibus disjunctissimarum ita coadunasse ut numerosissimus hic Elector populus unius labii esse videretur: adeo ut vix ullum à Deo beneficium ad laudem gentis Polonæ illustrius, ad conservationem Polonæ libertatis dari queat efficacius.

Cum ergo advenisset adeo ardentem exoptata dies quam Comitia Convocationis Electioni inchoandæ præfixerant, dies inquam S. Ludovico Galliarum Regi sacra, omen inde fuit in populo felicitis eventus. Confluxerant Varsaviam ex remotis etiam Provinciis Senatores, paucis quibusdam exceptis senio vel ægritudine laborantibus. Equestris ordo Jure eligendi Reges gaudens, sub militaribus signis in numerosas cohortes divisus incedebat: ac omnia sibi lata & prospera pollicebatur. Horā nonā Primas Regni plurimis ex Sacro & Sæculari Senatu comitantibus, numerosā præeqvitante nobilitate, & claudente agmen pedestri militiā adiit Templum S. Joanni sacrum, ubi invitatus Nuntius Apostolicus sacra peregit, ut ab invocatione Spiritus Sancti tantum negotium inchoaretur. Adhortatus est præsentem comptissimā concione Episcopus Chelmenfis, qui acceptis pro themate missis verbis: *Homo quidam nobilis abiit in regionem longinquam accipere sibi regnum.* Non minus zelosis quàm solidis argumentis ad concordiam, quā solā in hoc periculoso Reipublicæ statu interna felicitas & externa securitas constaret, animabat.

Itum est deinde ad septem conventibus Procerum in campo cis Vistulam dimidio Varsaviā milliari destinatum, securitateque publicā sacratum, ubi Senatus solitum suum locum sub tecto ligneo, circumcirca ligneis fuleris superstructo, equester verò ordo suum iridem aggere circumdatum locum sub dio occupavit. Peraclā

Peractâ salutatione Nuutiorum Massalscius Notarius Magni Ducatus Littvanix præcedentium Comitiorum Director (Mareschallum vocant) svasit Equestri Ordini ut sese ad Electionem novi Directoris accingeret. Sed motis hinc inde quæstionibus de modo novæ Electionis faciendæ, an scilicet nobilitas viritim, an per Palatinatum delegatos suffragia daret; dequæ juramento nondum per omnes Palatinatus super exclusione extraneorum ad Regnum Candidatorum præstito: cum varii in varias irent sententias, ad Principem Wisniovieccium Exercitus Littvanici Imperatorem, seu *Regimentarium* ut vocant, in Senatu existentem Littvanus quidam accessit, de irruptione in Littvaniam Copiarum Moschoviticarum, quæ in Oppido Kieydany sublisterent, tristitia nova ferens. Varios movit sensus hæc inexpectata notitia. Quosdam metus, quosdam indignatio, multos incredulitas & admiratio hæsitabundos reliquit, præsertim cum prius de Moschis in visceribus Littvanix jam hospitantibus, quàm de eorum in limites Littvanix irruptione rumor promulgaretur. Omnes invasit tanti aulæ horror. Pugnandum nonnulli prius quàm consulendum: alii differendam potius Electionem quàm sub armis peragendam, significandum id Ministris Moschoviticis; veritatem explorandam esse, nec dandam incertis rumoribus fidem alii opinabantur. In hac opinionum diversitate effluxit prima dies & Sessio in crastinum indicta est. Consumptæ sunt deinde plures dies tam ad sedandum populi fervorem ac excipiendâ Concurrentis ultra ex variis Palatinatibus Nobilitatis juramenta super exclusione Extranei à Regno, quàm ad componendam amulationem inter Succamerarium Posnanix & Præfectum Opocinensem exortam ob dignitatem Directoriam equestris ordinis quæ tandem die secundâ Septembris collata est Succamerario; numerosissimis votis in hunc dignissimum virum, raro admodum exemplo coadunatis. Subsecuta sunt deinde mutux ab in-

vicem Statuum Senatorii & Equestris per Delegatos de Electo Mareschallo Comitiorum denuntiationes, gratulationes, ad statuum amborum conjunctionem invitationes, tum deputaciones ad iudicia seccritatis, ad Conscribenda Pacta Conventa ad *exorbitantias*, ut vocant (†) connotandas & corrigendas.

Eo temporis intervallo trans Vistulam se contulerat Princeps Wisniowieccius M. Ducatus Littvanix Cancellarius ac Supremus Littvanæ militiæ Præfectus, tum & Palatinus Cracoviensis; quos Episcopus Posnanienfis secutus est: cumque invitarentur ut publicis sua quoque jungerent consilia; reposuit Princeps delegatis ad se Senatoribus, se nullatenus velle impedire Electionem: Vistulam trajecisse non alia de causa quam majoris commoditatis: Pragæ in sua curia commodiorem se habere habitationem, tum quoque abesse se à consilio ne daret occasionem Nobilitati ad invectivas turbasque concitandas prout id in ultima Sessione expertus fuerat, hanc scilicet occasione.

Sleszynius è quodam Palatinatu Nuncius ac Cohortis Colonellus cum de ingressu Roxolanarum Copiarum in Littvaniam nihil aliud præter vulgarem famam audivisset, mulrique excogitatum id fuisse ad accelerandam Electionem pro certo haberent, adiit in Senatu existentem Principem Wisniowieccium, certior reddi cupiens, num hoc revera ita se haberet? cumque à Principe responsum illi esset, pro certo jam Moschos in loco Kieydany dicto subsistere, Sleszynius regessit mirari se quod Exercitus Littvanicus, cujus Princeps Ductor esset, in ipsis confiniis Littvanix Moschis non re-

(†) Id quod Poloni in Electione Regum *EXORBITANTIAS* vocant, consilium est ex certis à Republica ex utroque ordine deputatis formatum quod omnes abusus contra leges & Statuta sub præcedenti regno introductos tollere & ad orbitam reducere in concessio habet.

restitisset? Exacerbato per hoc responsum & indignabundo Principe, Sleszynius à Principis clientibus & turba adstantium contumeliis & pugnis affectus, quin à quodam eorundem clavâ militari facies ejusdem casum vulnerata est. Violentus hic actus omnium perstrinxit animos, tantâ inter Nuntios excitatâ indignatione, ut Princeps securitati suæ consulendum ratus, aut, prout alii existimant, ad prosequenda sua intenta occasionem arripiens, à campo Electorali abire & Pragam trans Vistulam se conferre secum constituerit.

Auxerat, ut jam dixi, numerum eorum qui illuc se receperant Episcopus Posnaniensis, qui percunctatibus delegatis quare id fecerit, respondit se privatis rationibus adductum ab Electione recessisse. Electionem interim præpedire se nolle, & Neo-Electum, quisquis ille fuerit, pro Rege recogniturum. Palatinus Cracoviensis manuteneri suam particularem Confœderationem Cracoviensem, (quâ neminem nisi Polonum in Patria habitantem & æqualitate gaudentem ad Thronum se promoturum juraverat) postulabat ejusdemque defensionem non tantum à Palatinatu Cracoviensi sed à tota etiam Republica pollicebatur. Itaque irritæ omnes Delegatorum persuasiones, certioresque de ulterioribus militis Moschovitici progressibus rumores rursus commovebant Electorem populum. Oriebatur inter Palatinatus fortis suspicio hos omnes qui se ab Electione absentaverant, in conducendis Moschis aliquam partem, communiaque cum iis Consilia habuisse. Concitavit hæc suspicio Nuntios Palatinatum ut acriter urgerent, ut Authores Moschovitica invasionis investigarentur. Eo verò id fortius illi urgebant, quòd ipsimet Cæsareus & Moschovitici Ministri jactitaverint & in quodam scripto per modum manifesti edito publicaverint, tum & ipse Campi-Ductor Moschorum *Lesse* expresse- rit in Literis Universalibus cum Littvaniam cum Exercitu ingrederetur, datis; Moschos non proprio ausu fines Polo-
nia

nia ingredi, sed à compluribus Senatoribus & Nobilibus protuenda libertate ardentè exoratos & conductos fuisse. Exasperavit id & acuit zelosissimæ Nobilitatis fervorem conclusumqve in campo ut conscriberetur Manifestatio (†) nomine totius Reipublicæ contra invasionem Exercitus Moschovitici, ut per eam palam omnibus constaret quinam è Polonis fautores & introductores eorum fuissent. Ex universali ergo consensu Status & Ordines Manifestationem fecerunt, omnesqve Senatores, Ministri & equestris ordo eam subscriptionibus suis firmaverunt & roborarunt, iis ipsis, quod vel maximè animadvertendum est, ultro concurrentibus, qui Pragam primi secesserant, Principe scilicet Wisniowieccio ac Palatino Cracoviensi cæterisqve, ut ex eorum subscriptionibus, quas ad calcem dictæ Manifestationis, quam his adjungo reperiēs, manifestum est.

Delegati tunc sunt aliqui ex Senatu ad Ministros Moschoviticos qui eos de manifestatione à tota Republica facta commonerent, ac copiarum, Roxolanarum regressum urgerent.

Hæc manifestatio licet aliquantum irritatos Electoris populi animos sedasset, conceptasqve contra nonnullos è Senatoribus opiniones & suspensiones non tam omnino submovisset quam aliquantulum delinivisset, Ordo tamen equestris plurimum institit ut Electio quam primum concluderetur, integritatem libertatis, securitatis spem, unionis vinculum in acceleratione Electionis consistere asseverans. Plurimi Palatinatus urserunt Regni Primatem, ut diem Nominationi præfigeret, rati non esse tamdiu expectandum, donec appropinquantes Moschi legem darent. Cùm vero ille ab universorum id voluntate dependere respondisset: die sequenti aliquot Palatinatus castra moverunt. Lectæ quoque sunt in campo à Czarea Majestate Literæ ad Rempublicam datæ, sed

sed quod Serenissimi Electi *exclusionem* præferrent, Eque-
 stri ordini minus grata fuere. Postridie præeunte hesterno,
 exemplo plures alii Palatinatus stationem fixere in campo,
 Nuntio Apostolico de Merlinis Paulucio copia data est pub-
 lica admissionis & audientia, in qua detulit paternâ vota &
 Apostolicam benedictionem Romani Pontificis, id unicè ex-
 optantis ut Rex Catholicus unanimiter eligeretur. Is æquè
 in accessu ac regressu quadrigis plurimis, uti fieri solet, comi-
 tatus, honorificè admodum exceptus & auditus fuit: ac tan-
 dem ut repetitis requisitionibus Ordinis equestris satisfactum
 esset, dies pro exquirendis Palatinatum suffragiis designata
 est. Contradixerunt quidam exposcentes ut prius *exorbi-*
tantiæ finirentur, quàm ad Electionem accederetur,
 sed cum id ægrè admodum fieri posse omnes animadverte-
 rent, ut iidem qui erant in maximo numero ex singulis Pa-
 latinatibus deputati, & oneri imposito in pertractandis exor-
 bitantiis satisfacerent, & campo Electorali assisterent: veteri
 & in omnibus hucusque Electionibus, ac nuper in Comitiiis
 convocationis usitatâ ratione, *exorbitantiæ* ad Comitia Co-
 ronationis remissæ sunt. Deinde ab Exercitu Regni deputa-
 ti, publicâ oratione fidelitatem suam, & ad defendendam
 Rempublicam promptitudinem detulerunt. Appro-
 pinquante termino, cum omnes Palatinatus ad campum E-
 lectoralem numerosissimè confluxissent: Primas Regni, præ-
 missa Himno de Spiritu Sancto, obequivitavit singula Palati-
 natuum agmina per omnes Terras & Districtus, exquirendo
 Electoris populi sensus, quem sibi vellent Regem nominari.
 In multis Palatinatibus Nobilitas moræ impatiens, antequam
 à Primate interrogaretur, exclamabat: *Vivat STANIS-*
LAUS. Quidam ad sensum pluralitatis sua vota detulere,
 Aliorum quorundam Districtuum Nobiles, cum in favorem
 alterius Candidati, scilicet Principis Castellani Cracoviensis
 suos calculos dedissent, ille autem innatâ magnanimitate Pri-
 mati inruisset, se de æterna Corona cogitare, terrenam non

concupiscere; imo, si aliquid inde emouimenti suæ patriæ eveniret etiam Senatoriæ Dignitati se lubenter renuntiatum assereret; ad persuasiones Primatis & aliorum Senatorum, ut inter se essent unanimes, à suo recesserunt intento. Per octo integras horas, pluvioso admodum celo, hæc duravit circum æquitatio, paucique quidam Palatinatus remanserunt, qui cùm deficiente die à Primæ adiri non potuerint, ad alteram diem suffragia sua distulere.

Adventante demum decretoria die duodecimâ Septembris, nihil de voluntate & ardore animi remisit nobilitas; expedita sunt reliquorum Palatinatum uniformia Suffragia: à multisque conclamatum est, actum de Republica esse, nisi *STANISLAUS* Rex proclamaretur.

Advenerat jam tunc ultra spem omnium Serenissimus hic Candidatus, & à nocte quintum Idus Octobris præcedente, quâ Varaviæ pedem fixit, in Palatio Marchionis *de Monti* Legati Regis Christianissimi, secretò permanerat. Id verò cùm nemini prorsus notum esset, summa omnes admiratio caput, cùm sequenti die, quinto scilicet Idus Septembris Legatus Galliæ palam dixisset, Gedano sibi per tabellarium consultò missum significatum fuisse, Classem Gallicam, in qua Serenissimus Candidatus navigare ab omnibus credeatur, non longè ab hac urbe in mari conspectam, in horas ad littus appulsuram sperari. Alterâ die, alterum ad se emissarium venisse significavit idem Legatus, per quem sibi constaret Regem *STANISLAUM* navi egressum, Gedano gressus movisse, & inter Thorunium & Varaviam decisionem Reipublicæ præstolari. Demum die Veneris sequenti, cùm idem Minister Primati rem, ut erat declarasset, Serenissimum *STANISLAUM* scilicet jam esse Varaviæ, cùmque eadem die Princeps hic per hortos suburbanos deductus in Templo Sanctæ Cruci sacro publicè se videndum præbuisset: vidis-

vidisses tunc summæ admirationis, summo gaudio permixta
 jucundissimos effectus. Vix Princeps ædem Sacram intra-
 verat, hominum præsertim verò nobilium incredibilis mul-
 tudo concurrat; felicem se unusquisque existimans si ei vel
 Principis manum aut fimbriam osculari, vel amplecti pedes;
 vel certè faciem intueri concederetur. Cæterum
 quod maximæ admirationi fuit omnibus, erat secretum illud
 fidelissimè servatum, cum Serenissimus Candidatus, qui ab
 omnibus conscendisse classē, unicè occultandæ rei causâ in-
 structam credebatur, iter per tot, tamque diversas regiones
 ignotus perageret, quod quæ ea ipsâ, quâ opportunum erat
 die Varlaviam appulerit. Ejus porro adventus tantum in
 Electore populo ardorem excitaverat, ut vix nobilitas cohi-
 beri potuerit, quin eum, prætermisiss gradibus, Regem
 proclamaret.

Quatuor potissimum non tam districtus, (Equester
 enim ordo optimi sensus erat) quam Districtuum Ductores
 in diversas visi sunt ire sententias: Præfecti nimirum Opoci-
 nensis, Osvecimensis, Inovladislaviensis & Leduchowscius
 unius cohortis in Palatinatu Volhyniæ ductor: sed re maturius
 consideratâ, minimè impediendam esse Nominationem censue-
 runt, *permissivè* se, ut ajunt, circa illam tenentes: ac tandem per-
 penso unanimi tot millium Electorum consensu, Præfectus
 Opocinensis literis (*) quas tibi in Latinum fideliter translatis,
 adjungo; reliqui coram, Regem salutarunt, & Electionem fe-
 liciter peractam gratulati sunt.

(*) *Vi-
infra No. 1*

Contulit se interim Primas Regni intra vallum, missique
 inde iterum Delegati Pragam, ut Senatores à campo Electo-
 rali absentes, quorum numerus per secessionem Episcopi
 Cracoviensis, Palatinorum Inovladislaviensis, Culmensis &
 Czer-

Czerniechoviensis erat auctus invitarent; reluctantes rationibus, persuasionibus, precibus inducerent ad assistendum Nominationi. Cum verò interim Primas Regni cum Senatu & Palatinatum Nuntiis, reditum Delegatorum Senatorum expectando moram ageret, datâ per quendam Officiale Pragâ redeuntem notiâ, Delegatos nihil quid quam ibi persuasionibus suis evicisse (quod venientes postea delegati confirmare) conclamatum pluries à Nobilitate fuit, ut Primas Regni ulteriorem temporis non faceret jacturam, nominaret Regem, vel ipsis hunc permetteret proclamationis honorem. Auctus sensim fervor: jam volitantes in aere pilei signa impatientis lætitiæ præseferabant; diversis in locis voces postulantium resonare, jam jam & tumultus oriri cæpit. Primatem & precibus & minis obsecrare plurimi, ne moraretur publica vota, non comparentes in campo Electorali pro absentibus reputaret: libertatem in hoc quoque consistere ut etiam ab Electione liceat abesse, cuicunque libet: Nullum utique ex tot millibus esse in campo, qui Electioni contradicat; absentes & jure & ratione excludi; tacentes pro consentientibus reputari debere.

Motus è sua curuli Primas & in medium à multitudine protrusus, cum amplius resistere turbæ & impatientiæ populari non posset, semel atque iterum interrogavit an universalis esset consensus ut Rex nominaretur? Obstitit quidam Kaminskius eqves Volhyniæ aliquibus stipatus collegis, nec tam contra Candidatum nominandum, quam ut ad diem crastinam Nominatio differretur, suum interjecit *Veto*. Vidisses tunc singulare libertatis Polonæ specimen. Unus nobis Kaminskius rem perdidisset, populiqve generalia vota retardasset, nisi tandem victus precibus, obsecrationibus, adjurationibus ne gaudia nostra moraretur, rationibus insuper quod duo imminuebant subsequencia festa, quodqve appropinquantes Moschovitiæ Copiæ præsens remedium, promptumque

tumquē præsidium exposcerent, annuisset votis, assensumquē suum universali sententiæ conformem præbuisset.

Et ita nemine prorsus reclamante aut contradicente (quod etiam tibi ex adjuncto Testimonio * Episcoporum tunc præsentium liquidò constabit) in unione mirabili voto-
 rum, in unanimitate vix ex hystoria præteritorum interregno-
 rum, multominus memoriâ hominum cognita; semel, ite-
 rum, atqve tertio per Primatem Regni universali expetito
 consensu, nominatus est, à supremo verò Regni Mareschallo
 proclamatus Serenissimus STANISLAUS I. in Regem Po-
 loniæ & Magnum Ducem Littuanix, statimquē Himnus:
Te Deum Laudamus flexis genibus in campo decantatus est:
 tormenta bellica Varsoviæ ex mandato supremi rei tormen-
 tariæ Præfecti Branickii explosa, clangores & sonitus tuba-
 rum ac tympanorum per Palatinatus auditi: centies millies
 repetitum VIVAT, & innumeri sonitus resonuerunt porta-
 tilium fistularum, quæ incaute à nobilium famulis directæ,
 cum plumbeis globulis instructæ essent, quosdam vulnerarunt:
 præcipuè dolendo fato Haleccius Rzecicensis Præfectus à suo
 proprio commilitone signa lætitiæ demonstrante globulo tra-
 jectus est, ne deesset communi lætitiæ pedissequus gaudii
 luctus.

Finitâ pomeridianis horis publicatione Electi Regis,
 Primas & complures Senatores ac Nuntii ad salutandum
 NEO-Electum Regem in Palatium Marchionis Monti Galli-
 ci Legati iter direxerunt. Ibi Primas præ gaudio & lassitu-
 dine non diu moratus, brevi sed nervosâ oratione, nomi-
 ne Reipublicæ Regem salutavit, & pro solenni gratiarum
 actione invitavit ad Ecclesiam, quo concomitantibus Sena-
 toribus, ac præeunte sub signis militaribus nobilitate itum est.
 Regem in Ecclesiam descendantem, innumerabilis, qui asta-
 bat populus vix aspexit, statim pluries acclamatum Vivat Rex,

Cantico *Te Deum* per Primatem inchoato, orationibusque peractis Rex Serenissimus deductus est ad arcem; deputavitque plurimos ad omnes Palatinatus Senatores qui pro una nimibus votis & suffragiis gratias referrent, animi Regii oblectamentum, gratique animi signa coministrarent. His verò, qui ad latus suum à Palatinatibus erant Delegati, ipse Rex cum summa bonitate & affabilitate respondit. Attrahabat hæc Serenissimi Regis comitas velut magnes corda populi: cum habitu, lingua, voluntate similem suum quisque Regem, quem elegerat, adoraret.

Tertiâ post hæc die (nam duo dies festi intervenerant) Comitia Electionis in loco solito Arcis Varsaviensis feliciter finita: præmissa à Primate Regni, de periculo imminente degre modis Rempublicam salvandi oratione; ac post multas adhuc Littuanorum disceptationes, Mareschalli Ordinis Equestris valedictione, & pro credito sibi hoc munere, solenni gratiarum actione. Denuntiatoriæ Literæ Novi Regis Electi publicatæ. Ad latus ejus delegati à Palatinatibus Nuntii, ut in hoc turbido & periculoso Reipublicæ statu, præsto sit consilium. Deinde *Pacta Conventa* in Conclavi Senatûs magno motu perficiebantur, ob diffidia Littuanorum, qui stipendia militi solvi solita omnino immutare satagebant: & licet hoc nihil prorsus ad pacta spectaret; Rex enim sine assensu Reipublicæ nulla imponere vel immutare potest pro exercitu subsidia: pervicaciter tamen Nuntii, aliquot dies in hac re absumpsere; forsân prætextum hunc ad avertendos à Rege Littuanorum animos suppeditantibus iis, qui Pragæ adversa bono publico formabant molimina: iidem enim tertia post Electionem die miserunt Palatino Vitebscensi *Manifestum* (cujus tibi copiam facio) non subscriptum nec authenticum; ex cujus contextu facile advertes, alienos eorum ab unione, pace & tranquillitate animos magis, passione, quàm ratione duci in præceps.

Vide in-
No. 47.

Elapsis

Elapsis aliquot diebus, ac subscriptis Pactis Conventis Sereniss. Electus in Templum Sancti Joannis à Senatu deductus, absoluto per Primate[m] Missæ sacrificio, genibus flexis, Pacta Conventa Juramento firmavit, deinde à Primat[e] & Mareschallo Electionis salutatus, oblatum sibi Diploma, seu Decretum Electionis accepit, ac in Arcem Varšaviensem eodem Ordine, præeunte & Scipionem demissum præferente Supremò Mareschallo, reductus est.

Omnibus ita peractis remissi Palatinatus omnes unde venerant, domum reversi sunt, compotes votorum & latibundi, quod talem elegissent Regem, qui antiquitate Prosapiae, Sangvinis cum Christianissimo Rege nexu, virtutum decore, usu regnandi, experientiâ militari, nemini secundus, ipsis etiam adversitatibus exercitior, duplicatis populi sui meruit proclamari oraculis; in quo nec pietas, nec bonitas personata, autoritas gravissima, comitas incomparabilis, justitia flecti, clementia superari nescia, ex arena consilium, magnanimitas fastu carens, omnesq[ue] Regiæ virtutes sedem sibi fixere.

Libeat ex præmissis intueri Divinæ voluntatis, & erga nos benignitatis documenta: Regem non casu & fortunâ, non cæco vulgi impetu, non temere & incogitanter, sed inspirante cælitus gratiâ proclamatum. Quis etenim, considerato felici præter spem ac expectationem hujus Electionis eventu, mirari DEI Providentiam non admiretur? Quis dissidebitur, dexteram Domini fecisse hæc mirabilia? & si circumstantiæ sigillatim perpendantur, ut videlicet servata in hoc usque tempus Neo Electo Regi Serenissimo vita & salus: felicissimum momentum, quo in conspectum se dedit Electoris Populi, ejusq[ue] animos & gaudia confirmavit: Quis negabit

negabit opus hoc non humanâ sapientiâ, sed DEI digito moderante, & consilio & effectui datum esse! Primatis plusquàm septuagenarii vix è periculofissimo morbo convalescentis labor ætate & viribus longè superior, certe admirationem omnium meretur.

Iter Serenissimi per tot & tanta pericula felicissimè peractum, inexpectatus ejus & improvisus pro ipso termino Electionis adventus, non minorem meretur considerationem, quam stuporem, & quid dicamus de aliis causis mira concatenatione connexis ad Electionem concurrentibus?

Qui se à campo Electorali absentaverant, licet sui propositi in efformanda scissione tenaciores, in conscientia tamen convicti fuerunt, nihil illegitimè aut injustè ibidem factum fuisse; pavida ideo & discrepantia inter se consilia, ad nullumque certum directâ habuere finem. Extranearum Potentiarum minitantes Polonæ Libertati ictus, majorem Libertatis demonstrandæ occasionem præbuerunt, liberosque non posse cogi à quopiam animos demonstrarunt.

Ministri Principum male Nobis affecti in ipso Regni centro tolerati, in perditionem Libertatis quasi conjurati, ipso numero metuendi, quid quæso animorum distractionibus, rationibus in scriptis publicatis, pollicitationibus, corruptionibus, omnibusque etiam minùs licitis modis effecerunt? Polonam experti sunt certè constantiam, & juvisse potius Electionem Piaſti, quam ei nocuisse visi sunt.

Ex nostris Polonis & Lithvanis, varii scripta plurima,
rumo-

rumoresque in vulgus sparserunt, per Provincias cursitando suspiciones & diffidia auxerunt & nutriverunt, alios gratæ mentis testificationibus, quamvis interdum solummodo ad speciem compositis allicientes, sed nec hæc impunitas ullum Electioni attulit incommodum.

Eqvestri Ordini ante omnia libera Electio curæ cordique erat, ingens ipsi inclinatio animi in regimen Piastorum, quo firmato nihil ulterius desideratum; non spectata commoda, quæ ab Extraneis offerri potuissent; sed sola Principis virtute æstimatâ, ad Electionem hanc, ultima eaque felix admota manus. Quid verò in toto hoc negotio maximè mirandum veniat, an imperterrita Lithvânæ Nobilitatis corda? quorum uxores & cara quævis pignora ac fortunæ omnes hostium voluntati furorique erant obnoxia? an Senatûs in rebus gerendis dexteritas? An Primatis infatigabilis labor? an Eqvestris Ordinis zelus? ne in Electione Candidati à vicinis exclusio ullo modo haberet locum, tanquam plenam libertatem coarctans conditio? An verò nunquam satis deprædicanda animorum unio? jam disquirere nolo. Sed vellicat mihi aurem manifestatio Pragensis speciem præferens omnem hanc Electionem in scissa Republica peractam fuisse. Jam vero ex adductis, falsitas assertorum, quæ in modo dicta continentur manifestatione palam est, & argumenta quæ in contrarium afferuntur, veluti scloporum internecionis causâ explosiones, violenter interdictæ Nobilium voces, & his similia, ejusmodi sunt, ut non sine rubore in medium proferri, probari profecto nullatenus possint.

Jam superius ex ipsa relatione veritati consona abunde constat de contrario, patetque liculenter, in præsentí Electione

atione Electoralem Campum certò certius unionis non scissionis fuisse locum. Hi enim qui diversa sentiebant, è congregato & unanimi Reipublicæ gremio Pragam se subtraxerant.

Nominationis facies non triste spectaculum, sed latissima fuit scæna, plenum gaudium præ se ferens, nisi ipsam metus adventantium Moscorum turbasset, qui potius cavavit, ut Electionis tempus per Comitia Convocationis concessum, abbreviarentur.

Exorbitantiæ ad aliud tempus veteri & in omnibus hucusque Electionibus usitatâ praxi dilatæ; Candidati talis, qui oppressam Rempublicam salvare posset, non à quibusdam impositio, sed propositio, & ab omnibus acceptatio, vel solo hoc omiſſis cæteris argumento, ne per exclusionem externarum potentiarum iis minùs gratæ personæ, semel infracta, in futurum totaliter deprimatur eligendi Regis pro libitu nationis Libertas; inde comminationes excidii contra adhærentes Moschis, per Manifestum publicum à quàm plurimis jam modo adversantibus subscriptum factæ, in generali originem duxere.

Si ad objectam impracticatam Electionis formam, præjudicia Legibus facta, libertatis speciem non observatam, numerum personarum absentium, partem sat magnam Reipublicæ repræsentantem, Protestationes in campo Electorali multorum non attentas, à nominatione Regis plurimos exclusos, respondendum esset, veritas priùs horum assertorum probari deberet: sed in quo jactitata hæc impracticata Electionis forma constiterit, ille iudicet, qui

qui omnia interregna & Electiones antea factas cum praesenti penitus conferre voluerit. Quibusnam specialiter legibus praedicta facta sint? Non sufficit generaliter exprimere; addenda fuissent leges, quibus injuriam factam esse venditatur. Id certum est, huic legi contraventum esse, quæ jubet contra eos consurgere, qui Confœderationis vinculum ex ratione privatorum commodorum rumpunt, Rempublicam scindunt, inimicos fomentant, &c. Sed numne hæc gratia Electoris populi fratres suos ad meliorem frugem redituros sperantis, ipsi jammodo oneri esse debet?

Numerum personarum Rempublicam Pragæ repræsentantium quod attinet, clarum est, paucos Senatores; vix aliquem ex Nobilibus extitisse, qui Regem STANISLAUM non elegerit: Nunc jam forsitan numerus augetur adversantium, cum Moschoviticus Exercitus, quos sponte non potest, armis in sua vota trahat.

Non minus contradictorium est, quod protestationes multorum non fuerint in campo auditæ: quomodo enim audiri poterant, si, ut manifestatio sonat, libera vox fuit oppressa, comminationes excidii etiam constantibus viris metum incusserunt, rumor framearum voces impedit, ora manibus obtusa, explosiones hostili modo factæ, Palatinatus quidam ab aliis injuriâ affecti fuerunt: atqui Elector populus dominationi ejusmodi certò certius quàm acerrimè se opposuisset, nec unquam permisisset ut circa curas pro omnium salute indefessas Reipublicæ aliqua pars tale caperet detrimentum. Non ergo Respublica in culpa est, quod ii qui se Pragam contulerant, in campo Electorali non comparuerint, omnino

enim ipsis permiffum fuiffet opponere fe, & pro libitu fuo
proteftari, prout id tentarunt plurimi, fed poftca victi a-
more patriæ & concordia, à proteftationibus recesse-
runt.

Sed obiicitur quòd fecuritas personarum, liberaque
vox vetandi in campo Electorali fuerit denegata. Sed
quisnam non videat speciofum hunc folummodo effe
prætextum? Cuiam quid adverfi, licet adverfanti, in
campo accidit? Poterat Kamincius in ipfo æftu voto-
rum nominationem fiftere? Poterant Diftrictuum Præfe-
cti, Capitanei fcilicet Inovladislavien: Opoczynen: Ofwie-
cimienfis & alii liberos fuos fenfus & fuffragia in alium
Candidatum conferre, quis nam illorum periculum vitæ
vel libertatis fubijt? Fremebat Nobilitas, terrebat, inten-
tabat minas; fed in quos & quando? Certè tum maxi-
mè, cum quorundam feceffus Pragam, fufpicionem de
cointelligentia cum Mofchis excitaffet, ac in eos folum
qui contra datam juramento fidem Piafto eligendo op-
pofitiones fruebant & contrariabantur; qui Mofchovici-
cæ irruptionis confciti vel authores exifterant; qui fe-
cretis machinationibus exterarum potentiarum velut in-
ftrumenta, voluntati ipfarum famulabantur; qui patriæ
Libertatem jugo alienigenarum metu vel donis submit-
tere omnino fatagebant. Sibi ipsis ergo imputent, qui
Electoris populi indignationem meruere: quòd eos prava
confcientia à confpectu Reipublicæ abduxerit, ac à no-
minatione exclufèrit, non Respublica, non alius quis-
quam, fed illi ipfi hanc in fe commoverunt tempe-
ftatem.

Abfuiffet licet hic malè provifæ fecuritatis perso-
narum

narum ac oppressæ liberæ vocis, (quæ tamen nescio quam jacturam, & quando passa fuerit) prætextus; facile alius quispiam inveniri potuisset, ut diversa studia, & mancipatæ alienis mandatis voluntates, pallio Libertatis cooperiri aliquatenus viderentur.

Evolvamus ante acta interregna. Prætextuum colores nunquam defuerunt, male de Republica sentientibus, & rei privatæ magis quàm publicæ studentibus.

Licet verò omnia hæc, quæ in manifestatione obiciuntur, ita ut ibi falsò narratur, revera evenissent, quid ex inde? num ideo opprimenda erat ex integro armis hostilibus Libertas? num vicino Polona subdere colla iugo? num ad extrema quavis, eaqvè inaudita confugiendum, summa imis miscenda, & Regnum inimicorum direptioni & ruinæ exponendum? Numne paci & tranquillitati internæ præferenda dissidia, simultates vel odia? aut numne omnis orbis Polonus exinde, quod paucorum voluntatibus non fuerit litatum aut satisfactum, ultimæ committendus erat ruinæ & excidio?

Si veri patriæ amatores essemus, sacrificandum esset utiqvè proprium interesse, dissimulandæ offensæ propter bonum pacis, etiam errores, si adessent, tolerandi; verbo dicam, ad evitandum majus, perferendum etiam esset minus malum.

Proinde DEO & orbi respondebunt, qui qualicunqvé motivo non solum civilis in Polonia, sed generatis per

per Europam belli excitandi incentores erunt. Nescio quānam ratione se poterunt excusare à tam enormi crimine; quem prætextum assument? quem colorem? dum christianus sanguis effusus clamabit vindictam ad cælum; dum Polonâ Libertate oppressâ digito quisque monstrabit fatalis sui casus authores, serique nepotes in faustum eorum repetent non sine lachrymis nomen.

En habes. Amice, simplicem & à veritate non aberrantem narrationem. Erit forsân aliquis claræ veritatis impugnator: at noli fidem præbere; recens memoria facti, vivaqvé tot & tantorum virorum testimonia non permittent illam obfuscari. Vale, mea ama & Patriæ bene velle perge.

Mani-

Manifestatio Statuum Reipublicæ ad No. 1.
Campum Electoralem pro Electione
Novi Regis die 25. Augusti Anno
1733. congregatæ, facta.

Nos Senatores Spirituales & Sæculares nec non integer ordo equestris Regni Poloniæ & Magni Ducatus Littvaniæ præsentis, & futuris sæculis ad memoriam injusti ausus notum facimus: quòd quemadmodum initas cum Serenissimis *Potentiss* nobis vicinis amicitias pacta & fœdera religiosissimè conservavimus, eorundemquè inviolabilem manutentionem, ultimâ generali omnium Ordinum Confœderatione nomine nostro & serenissimorum Regum nostrorum sponpndimus, ita & impræsentiarum non studio nocendi vicinis nostris (nam Deus cordium nostrorum testis est & iudex) sed usitatâ & hæctenus continuatâ à fatis Serenissimi Sigismundi Augusti praxi, & in fundamento Privilegiorum, Constitutionem & Pactorum cum Serenissimis Regibus Nostris conventorum, huc, in locum solitum, Varsaviam inter & villam Wola situm, convenimus congregati què sumus, ut ibidem liberis & concordibus vocibus pro velle nostro, tanquam gens libera, nulli coactè parere assventa Dominum & Regem eligeremus. Ubi cum consilia nostra ad actum Electionis & ad Statum nostrum pertinentia pacatè incæpissimus, nulla cum vicinis nostris bella meditantibus (propria non aliena curando) certa ad nos pervenit notitia, quòd copiæ militares Czareæ Majestatis in Ducatum Littvaniæ irruerint & ulterius ad confinia Regni Poloniæ progressæ sint, eo fine ut liberam Electionem nostram nulli

L. 1733. V.

pror-

prorsus alienæ dispositioni subjectam legibus arbitrii sui sub-
 mittant; jus cardinale Electionis violent; Pacta & fœdera no-
 biscum inita, ac ipsum *Tractatum* ad *Pruthum* factum rum-
 pant, utqvé Patriam nostram nulli culpæ obnoxiam ad inci-
 tas redigant; Pharsalicas acies in ea excitent, sanguineqvé
 innoxio terras nostras perfundant. Idcirco deficiente ulte-
 rioris patientiæ alimento, de summa violentissimâqvé inju-
 ria, pro defensione maximè fundamentalium Jurium nostro-
 rum liberæ Electionis majorum nostrorum sanguine compa-
 rata, & hæcenus à nullo unquam è vicinis nostris violatæ;
 de injusto & illicito harum Czæreæ Majestatis copiarum in
 Dominia nostra ingressu & irruptione; terrarum nostrarum,
 sine nulla justa causâ, desolatione, aliisque violentiis, coram
 Deo, coram Universo orbe, nec non coram ipsis Serenissi-
 mis Monarchiis nobis conterminis solenniter protestamur;
manifestamurqve, imò etiam per speciales literas & instru-
 menta hasce injurias & violentias Serenissimis iisdem Pote-
 statibus quam primum denuntiabimus, unâ declarantes, quòd
 non *offensivè*; quòd DEUS avertat, sed jure naturalis & cuivis
 licitæ defensionis, pro hisce juribus cardinalibus & Privile-
 giis liberæ Regum nostrorum Electionis, tanquam veri Ma-
 jorum nostrorum successores sanguinem, vitam & fortunas
 nostras impendemus. Invocamus in auxilium eum, cujus justa
 ultio prosequitur fontes. Benedicet DEUS & prosperam red-
 det justam hanc & innoxiam jurium, libertatum & immuni-
 tatum nostrarum defensionem; ipsumqve ultima pro nobis
 vibrabit fulmina cælum. Quoniam verò tam ex literis uni-
 versalibus Moschovitæ, quam volitante famâ dolenda ad
 nos pervenit notitia, ac si nonnulli ex Statu sive spiritali,
 sive sæculari reperti fuerint, qui datâ operâ hasce extraneas
 militares copias invitarunt, ut liberam electionem vi & ar-
 mis inturbando, desideratum tranquillitatis internæ & ex-
 ternæ statum tollerent: Ideo hosce degeneres Patriæ filios
 tanquam monstra naturæ & verè genuina viperarum, in
 viscera

viscera propriæ matris sævientia, mater Patria pro legitimis filiis non agnoscit, quinimo eos de libro viventium delet; educatos in aurea & inæstimabili libertate, tanquam indignos qui pretioso hoc libertatis thesauro, cui insidias struunt, fruantur, refecat tanquam putrida & igne infernalis malitiæ infecta membra à corpore Reipublicæ, abjurat eos tanquam degeneres & qui cum legitimis nullam portionem habere debeant: omnesque illos qui eidem communi matri violentas manus inferre ausi sunt vel in posterum audebunt, declarat hostes patriæ, perduelles, infames, & invindicabilia capita; æque ac eos omnes qui se illis in posterum conjungent, implicabuntur, aut illis directè vel indirectè opem ferent: utpote cum omnes illi sint capitales hostes Patriæ, qui in Patriam hostiles copias introducunt, ut earum operâ sanguinem & lachrymas pauperum profundant. Tota itaque Reipublica appromittit se contra talem & tales insurrectionem; bona illius vel illorum, sive ipsis succedentium occupatam, publico fisco eadem bona tradituram, prævia tamen præmissorum judiciali deductione, stante Electione in judicio generali capturali Regni; post Electionem verò, in futuris Comitibus Coronationis. Ex bonis autem fisco, ut dictum est, traditis providebitur justa compensatio iis omnibus, qui per dictas copias impiè introductas, ruinas, injurias & fortunarum suarum desolationes patientur. Domus, in qua talis vel tales ordinariè habitant, in æternum proditiōis monumentum solo æqvabitur: nec ulla unquam ipsis spes amnestiæ, vel ad æqualitatem regressus concedetur. Adhæc eorum uxores Juribus & inscriptionibus dorum suarum gaudere, aut sese tutari non poterunt. Si vero hujus criminis reus reperiatur aliquis ex Illustrissimis ac Reverendissimis Episcopis, talis præminentia, auctoritate & activitate in congressibus publicis carebit: Proventus vero bonorum illius Episcopaliū retinebuntur, nec illi usque ad decisionem justitiæ conformem, talique delicto condignam extradentur. Caveatis

insuper ne ullus ex illustrissimis Episcopis & Senatoribus secularibus, durante hoc turbulento tempore, è ditionibus Regni migrare, aut quempiam extra Regnum ablegare præsumat: sub pænis de perduellibus sancitis & confiscatione bonorum, ac privatione honorum. Qvi verò impræsentiarum extra limites Regni degunt, in spatio quatuor septimanarum à data præsentium revertantur; si autem non redeant, pænis superscriptis subjacebunt. Pro majori autem hujus Manifestationis robore, omnes illi manibus nostris subscribimus; qvi vero ei subscribere recusaverit tam ex Illustrissimis Episcopis, Senatoribus & Ministris, quàm ex ordine equestri utriusque gentis & statûs, ille eo ipso pro hoste patriæ censendus erit. Datum in Campo Electorali inter Varsaviam & villam Wola die 4. Septembris Anno Domino 1733.

THEODORUS POTOCKI,

ARCHIEPISCOPUS & PRIMAS.

Joannes Lipski, Episcopus Cracovien. Procancellarius Regni.
Christophorus Antonius Szenabek, Episcopus Vladislavien-
sis & Pomeraniæ.

Stanislaus Hosius, Episcopus Posnaniensis.

Michael Zienkowicz, Episcopus Vilnensis.

Andreas Załuski, Episcopus Plocensis.

Christophorus Joannes Szembek, Episcopus Varmienensis &
Sambienensis, Præsidens Terrarum Prussiæ.

Joannes Felix Szaniawski, Episcopus Chelmenensis Abbas Wo-
chocensis.

Samuel de Oza Ozga, Episcopus Kijoviensis & Czerniecho-
vienensis.

Constantinus Moszyński, Episcopus Livoniæ.

Boguslaus Corvinus Gosiowski, Episcopus Smolenscensis.

Janus-

Janussius Wisniowiecki, Castellanus Cracoviensis.
Theodorus Lubomirski, Palatinus Cracoviensis.
Georgius Lubomirski, Palatinus Sandomiriensis.
Casimirus Princeps Czartoryski, Castellanus Vilnensis.
Josephus Oginski, Palatinus Trocensis.
 Alexander Szembek, Palatinus Siradiensis.
 Joannes Sapieha, Castellanus Trocensis.
 Andreas de Lubraniec Dąbski, Palatinus Bresten. Kujavien.
 Josephus Potocki, Palatinus & Generalis Terrarum Kijovi-
 ensium.
Ludovicus Szoldrski, Palatinus Inowladislaviensis, Terrarum
Majoris Poloniæ Generalis.
 Augustus Alexander Princeps Czartoryski, Palatinus & Ge-
 neralis Terrarum Russiæ.
 Michael Potocki, Palatinus Volhyniæ.
 Stephanus Humiecki, Palatinus Podolliæ.
 Joannes Tarlo Palatinus Lublinensis Terrarum Podoliæ Ge-
 neralis.
 Antonius Michael Potocki, Palatinus Belzenfis.
 Franciscus Zalufski, Palatinus Plocensis.
 Martianus Oginski, Palatinus Witebscensis.
 Stanislaus Ciołek Poniatowski, Palatinus Mazoviæ.
Joannes A. Czapski, Palatinus Culmensis.
 Petrus J. Przebendowski, Palatinus Mariæburgensis.
 Joannes Koscielza Zaba, Palatinus Minscensis.
 Antonius Morstyn, Palatinus Livoniæ.
Josephus Potulicki, Palatinus Czerniechoviensis.
 M. Kozminski, Castellanus Posnaniensis.
 Matthias Mycielski, Castellanus Califfiensis.
 Petrus Constantinus Stadnicki, Castellanus Woynicensis.
 S. Garczynski, Castellanus Gnesnensis.
 Antonius Mycielski, Castellanus Siradiensis.
 J. Skarbek, Castellanus Lanciciensis.
 Franciscus Michael Moszczynski, Castellanus Brestensis Ku-
 javiensis.

Casimirus Stecki, Castellanus Kijovienfis.
 Stanislaus Garczynski, Castellanus Inovladislavienfis.
 Martinus Josephus Ustrzycki, Castellanus Leopoliensis.
 Carolus Wyżycki, Castellanus Volhynia.
 Joannes de Campo Scipion, Castellanus Smolenscensis.
 Joannes Franciscus Soltyk, Castellanus Lublinensis.
 Joannes Stadnicki, Castellanus Belzenfis.
 Antonius Oskierko, Castellanus Novogrodenfis.
 Nicolaus Podofski, Castellanus Plocensis.
 Georgius Tyłzkiewicz, Castellanus Witebscensis.
 Casimirus Rudzinski, Castellanus Cernensis.
 Victorinus Kuczynski, Castellanus Podlachia.
 Venceslaus Trzcinski, Castellanus Ravenfis.
 Valerianus Antonius Zaba, Castellanus Brestensis in Littvania.
 Samuel Lazowy, Castellanus Mscislavienfis.
 Bartholomæus Bagniewski, Castellanus Elbingensis.
 Joannes Potocki, Castellanus Braclavienfis.
 Franciscus Czapski, Castellanus Gedanensis.
 Andreas Michael Morfztyn, Castellanus Sandecensis.
 Michael de Konary Konarski, Castellanus Vislicensis.
 Franciscus Rozdrazewski, Castellanus Rogozinensis.
 Petrus Dębinski, Castellanus Biectenfis.
 Petrus in Skrzynno Dunin Castellanus Radomienfis.
 Stanislaus Rupniewski, Castellanus Malogostinensis.
 Nicolaus Soltyk Castellanus Premisliensis.
 Josephus Grabinski, Castellanus Sanocensis.
 M. Miączynski, Castellanus Chelmenfis.
 Stanislaus Corvinus Kockanowski, Castellanus Polanecensis.
 Casimirus Włostowski, Castellanus Kryvinensis.
 Josephus Zborowski, Castellanus Czechovienfis.
 Adamus de Werbno Pawłowski, Castellanus Biechovienfis.
 Josephus Walewski, Castellanus Brezinensis.
 Joannes in Krakow Krakowski, Castellanus Kaminensis.
 Casimirus Walewski, Castellanus Spicimirienfis.

Josephus Jaxa Kwiatkowski, Castellanus Inovlodenfis.
 Adalbertus Wessel, Castellanus Varfaviensis.
 W. Lanckoroniski, Castellanus Gostinensis.
 Stanislaus Nizczycki, Castellanus Raciążensis.
 Theodorus Mostowski, Castellanus Sierpsensis.
 Casimirus Zurawski, Castellanus Wiskogrodensis.
 Vincentius Casimirus Mirzejewski, Castellanus Zakrocimen.
 Vladislaus Grzegorzewski, Castellanus Ciechanovienfis.
 Alexander Przebendowski, Castellanus Livonia.

Josephus Mniszech, Supremus Regni Mareschallus.
*Michael Korybut Princeps Wisniowiecki, Supremus Magni
 Ducatus Litvania Cancellarius & Executivum Regimen-
 tarius Generalis.*

Michael Princeps Czartoryski, M. D. Littvania Procancellarius.

Maximilianus Ossolinski, Supremus Regni Thesaurius.
 Joannes Soltowicz, Supremus M. D. Littvania Thesaurarius.
 Franciscus Bilinski, Mareschallus Curia Regni.
*Paulus Princeps Sanguszko, Mareschallus Curia M. D. Lit-
 vania.*

Martinus Załuski, Suffraganeus Plocensis Secretarius Major Regni.

Josephus Załuski, Secretarius Major M. D. Littvania.
 Josephus Załuski, Referendarius Regni, Abbas Premecensis.
 Georgius Casimirus Ancuta Episcopus Antipatrenfis Suffra-
 ganeus Vilnensis, Referendarius M. D. Littvania.

Antonius Sebastianus Dębowski, Referendarius Regni.
 Dominicus Wollowicz, Referendarius M. D. Littvania.
 Josephus Sapieha, Thesaurarius Curia M. D. Littvania.
 Kryszpin, Castellanus & Colonellus Generalis Ducatus Sa-
 mogitia.

Franciscus de Bnin Radzewski, Succamerarius Posnaniae, Mateſchallus Ordinis Equeſtris, nomine totius Ordinis Equeſtris: nec non référendo ſe ad particulares Maniſtationes in ſeorſivis copiis in circulis Palatinatum, Terrarum & Diſtrictuum ſubſcriptas; quæ quidem copia Maniſtationum ſubſcriptæ, quamvis hic propter farraginem operis præſentis non inſerantur, in Caſtro tamen circa oblatam præſentis actûs inſertæ ſunt.

- o. 2. Copia Literarum Capitanei Opocinenſis Małachowski ad Dapiſerum Regni Mycielſcium, in Końskie 20. Septembris 1733. Varſavi-
am datarum.

Illuſtriſſime Domine &c.

Non exigua id attribuo impolitiæ meæ, quòd ſine gratiarum actione, fraternoque amplexu ſeceſſerim, cum ſemper, præſertim verò tempore præſentium Comitiorum, affectum erga me benevolum, gratiamque Illuſtriſſimæ Dominationis tuæ expertus fuerim. Temporis ratio adegit me ut inurbanè adeò agerem: audito enim Moſchos ex una parte, Imperatorias copias ex altera imminere, feſtinare coactus ſum, ut domui meæ conſulerem, uxoremque & liberos ab inſultibus minitantium nobis vicinarum Poſtatum in tuto ponerem. Eadem quoque ratione adductus, cum non inſclamavi Regem, quem DEus ipſe admiran-

mirandis prodigiis nobis ad Thronum indigitavit. Secessio hæc tamen, non ita me à Domino abalienavit, quin ad adorandam ejus Majestatem accurram. Uti liber eqves, domum petii; non tamen illuc perrexi, ubi in qvampiam nimia cum Moschis familiaritatis censuram incurrere potuisssem. Nul-
libi invenientur literæ meæ, quæ publicæ noceant tranquillitati. Mammonæ iniquitatis non fui particeps: atque adeo nullis partium studiis adeo inhæsi, quin reliquum mihi sit mutare consilium & rem in melius. Illustrissimi Domini Palatini Podoliæ literæ, me primum Regiæ benignitatis certior-
rem reddiderunt, modò respiciendo retro gressus non faciam. Libenter id adimplevi, & frequentiores hucusqé apud me de re frumentaria & pecuniaria auditi sunt sermones, quàm de publicis. Traduntur mihi jammodo literæ Illustrissimæ Dominationis tuæ fraternum ejus affectum, mentem & consilium deferentes. Omnia hæc grato animo accipio, nec perhorresco viam, quæ me ad visionem Domini mei adductura est: sperans manum Regiam non gravem, quin potius benignam mihi futuram. Pro certò igitur, die Saturni proxime futuro Varsaviam adveniam: ibique Divinæ & Illustrissimæ Dominationis tuæ voluntati me in omnibus accommodabo: permanens debita cum veneratione Illustrissimæ Dominationis tuæ addictissimus frater & servus. *Subscriptum.* J. Malachowski.

Copia Testimonii dati ab Episcopis
qui adfuerunt Electioni inter Varsa-
viam & villam Wola peractæ.

No.

Nos Episcopi in campo Electorali præsentés, liberamqvé novi Regis Electionem diligentissimè observantes, attestamur sub fide, honore & conscientiis nostris, quòd
cum

cum omnium Palatinatum, Terrarum & Districtuum utriusque Gentis, tam Regni Poloniae, quam Magni Ducatus Littvaniae inclinata essent vota in personam Serenissimi Regis STANISLAI ad Regni huius habenas assumendas, ac ad triplicem Celsissimi Principis ac Primatis Regni ab Electore populo requisitionem concordia universae sub Signis Nobilitatis instarent suffragia & urgentia desideria, ut idem Serenissimus Rex STANISLAUS in Regem Poloniae sine ulteriori mora nominaretur ac proclamaretur: idem Solennis actus nominationis ac proclamationis est subsequutus & expeditus unanimiter NEMINE CONTRADICENTE; nonnullis quidem Senatoribus in campo Electorali disparentibus, qui pro absentibus reputabantur, nec per quemquam Electioni huic reclamaverunt: praeter solum Magnificum Dominum Kaminiski, Phalangis unius, Palatinatus Volhyniae ex districtu Cremenecensi Colonellum, qui tamen ipse ex nunc liberè & conformiter ad totius Reipublicae voces & vota ab oppositione sua recessit, ac suffragium suum Serenissimo Regi STANISLAO ad majus liberae Electionis robur, post spontaneum à contrario liberoque sensu recessum adjunxit. Datum Varaviae die decimâ septimâ Mensis Septembris, Anno Domini 1733.

Michael Joannes Zienkowiez, Episcopus Vilnensis.

Andreas Zasufski, Episcopus Plocensis.

Christophorus Joannes Szembek, Episcopus Varmienfis & Sambienfis.

Joannes Felix Szaniawski, Episcopus Chelmenfis.

Samuel Joannes de Ossa Ozga, Episcopus Kijoviensis.

Constantinus Moszynski, Episcopus Livoniae & Piltinenfis.

Boguslaus Corvinus Gosiewski, Episcopus Smolenscen.

Mani-

Manifestatio eorum qui se Pragmam receperant tempore Electionis.

Qvis unquam dubitare potest quin nobis coram Throno supremi ac tremendi Iudicis comparituris & publicum totius Patriæ dolorem (a) delaturis iustitia & bonitas Dei favere debeat? Obstupescet quivis & mirabitur si coram toto terrarum orbe exposuerimus hunc in ruinam Patriæ tendentem conjuratorum factorum concursum. Experta jam est Respublica similes infaustos casus, nunquam tamen adeo vicina fuit totali ruinæ, quàm in modernis circumstantiis, utpote in quibus intentatur illi fatalis ictus, quo simul & semel omne id quod illam vivificat & conservat, perimitur (b). Gloriantur variæ Orbis Monarchiæ quod Deus & natura omne operæ pretium in eo posuisse videatur, ut eas pretiosissimis quibusque thesauris cumularet: id tamen omne æquiparari nequit inæstimabili libertatis nostræ geminæ, quæ omnes præterit orbis opes. Hæc tamen pretiosa libertas, præsentis infelici, eo quæ satis brevi tempore apud plures repente adeo fœdum amisit valorem, ut, pro dolor! privatis commodis tanti pretii res postponatur. Testatur id præsens, nunquam satis dolenda electio, in qua omnium malorum impletur mensura (c) & perquam Electoralis campus in theatrum scissionum immutatus est (d). Obstupescet sera ætas: Quis Deus hæc in nos furentia concivit mala! cum luctuosos præsentis Electionis actus, novam & nunquam hactenus usitatam illius formam (e) cer-

E

(a) Grandia verba ad imponendum populari credulitati composita, quæ tamen nihil quidquam verum habent.

(b) Id omnino verum est eorum qui se à Republica corpore separaverunt conatus, ad nihil aliud tendunt, quam ad eversionem Status Republicæ.

(c) Pudenda exaggeratio cui enim vel minimum malum attulit hæc Electio? Illi quæ partium studio à ceteris locis fecerunt omnium quæ Republicæ imminet malorum, soli causa sunt.

(d) Campus Electoralis non scissionum, sed mirabilis planè concordia theatrum fuit: cum 60. & quod excedit millia hominum nemine prorsus reclamante aut contradicente, eundem Regem inclinaverint.

(e) Evolvantur præcedentium Electionum acta & cum præsentis Electione compareantur. Nihil prorsus novi, nihil inusitati in ea fuisse, quisque etiam obstinatissimus fateri debebit.

(f) *Quinam gradus o-*
missi sunt? Nonne electus
et cum omni solennitate
Marceschallus? Nonne Ordo
Senatorius Equestri conjun-
ctus? Nonne dies exquirren-
dis suffragiis prefixa? Non-
ne ab omnibus Palatinati-
bus, Terriis, & Districtibus
acquisita per Primate[m] suf-
fragia? Nonne tribus, ut
erit solet vicibus postula-
m, an adsit unversalis
consensus?
 (g) *Quod exorbitantia*
Comitia Coronationis re-
ta sint, nihil in solius:
in omnibus precedenti-
 Electionibus, eodem pro-
modo rejecta fuerint:
namvis in Convocationi-
bus procedentibus semper ap-
poneretur, quod in Co-
mittis Electionis perturban-
ta essent.

(h) *Nemo certe per vim Regem imponere Genti Polona cogitabat: quomodo enim aliquot*
personæ ut hic dicitur, nullo præsertim exercitu extraneo adjuncta: tantam nobilitatis multitu-
dinem cõgessent? Si autem verum dicentium est, non aliquot, sed tota fere gens Polona in
primo habebat Regem STANISLAU M., ut eventus demonstrabit.

(i) *Id omnino à veritate alienum est: Dicatur enim quæso cui unquam & à quo hujus-*
modi mine insentire sine? Capitaneus Opocinensis, & Kaminscius ipse, qui omnem maxime no-
bilis ferveret, suum veto interjecit, an ulla vel minas, vel violentias tulit?

(k) *Tautologia omnino inepta. Proprium scilicet calumniantis est, cum nihil criminis*
quod objiciat habet, verbis generalibus, quæ nec intelligi satis possint, criminari.

(l) *Quo tandem alio modo securitati personarum provideri potuit? An ad hunc finem mi-*
nutes copia extraneorum Principum advocanda erant, ut securitati quorundam, sua præ-
textus id est, quem aucupati sunt illi, qui se à Corpore Reipublica segregare constituerant, ut
sub hoc specioso colore à loco comitiorum secederent,

(m) *Ex ordine equestri præter domesticos, eorum qui Pragam secesserant Senatorum, vix*
quisquam alius fuit.

(n) *Sed potius: ambitus & privati commodi.*

doquidem nobis exotici auri pondus (a) liberum
 respirium adimebat. Cum vero in eo essemus nu-
 mero, qvi notabilem Reipublicæ partem (p) con-
 stituit, dolebamus super publica totius Reipublicæ
 infelicitate & super sublatis funditus legibus : ac
 provido consilio, prævioque manifesto publico
 (q) admonuimus in qvo lædebatur Lex & convul-
 lebatur liberum veto, & quanta mala ex tam no-
 xiis intentis Reipublicæ imminebant. Non solum
 fraternæ & salutare nostræ intentiones, sed ipsa
 personæ nostræ (r) in nulla prorsus fuerunt, (infe-
 lici hoc tempore qvo singuli sua commoda quæ-
 runt) consideratione : adeo ut aliqui nostrum à no-
 minatione fuerint exclusi (s) & tanquam ad lu-
 dibrium vocati : (t) siquidem missi ad nos Legati,
 qvi nos invitarent, ut morientis libertatis essemus
 Spectatores, nec dum id quod in commissis ha-
 bebant nobis explicaverant, (u) intonuit tristis tor-
 mentorum bellicorum fragor, qvi nobis interitum
 libertatis, & cum ea cadentem internam & exter-
 nam securitatem annuntiavit. Qvis igitur tam du-
 ri cordis reperietur, qvis tanto erga Patriam odio,
 ut non sentiat tantam ejus perniciem ? ut illi com-
 mune nobiscum auxilium non ferat : (w) ut ad re-
 staurandam jam prostratam libertatem non accu-
 rat ? ut nobis se ad tuendas leges & Prærogativas
 nobilitares non conjungat ? Loco liberæ electionis

E 2

VIO-
sum Electionis quamvis
loco Comitiorum fecerissent

(a) Id certe intelligi nu-
 latus potest : quomodo exo-
 tici auri pondus libertatem
 in campo Electorali adime-
 re potueris ? cum præsertim
 Praga Moschoviticum Saxo-
 nicum aurum libertati
 si minimè nocuisse ; qvi
 etiam hostile ferrum car-
 jusse pretendatur.

(p) An verò aliquot Se-
 natores cum suis domesticis
 nullo Palatinatu, nullâ Te-
 rā nullo Districtu comita-
 notabilem Reipublicæ par-
 tem constituunt, qvis
 judicet.

(q) Nullum manifestum
 in Campo Electorali ante
 his nominationem, aut
 die nominationis unquam
 visum est : absentium pro-
 positiones nihil valere on-
 sciunt.

(r) Qui Pragam sec-
 rant pluries à Delegatis
 Republicæ Senatoribus,
 semper frustra, invitati sunt.

(s) Qvis illos exclu-
 nisi ipsi semetipsos : Quin-
 mo palam dixerunt, se nu-
 latus velle impedire cui-

(u) Fam suam Legationem Legati, irritò eventu peregerant : Et priusquam redissent de-
 lata est ad Campum Electoralem notitia quod nihil effecissent. Hæc notitia accepta tum de-
 mum Nominatio facta est Et tormenta explosa.

(w) Id demum intolerabile est ut peremptores libertatis, libertatem peremptam clament.

(x) *Aperta falsitas: quis*
nim Electori populo, in rar-
o numero congregato vio-
lentiam inferre & Regem
ori manu imponere potu-
isset?

(y) *Id quoque non mi-*
nus falsum est. De Opoci-
ensi ceterisque Capitaneis
vi contrarii sensus vide-
antur, genuinam supra
habes narrationem.

(z) *Quis tandem occi-*
dit quis vulneratus est? An
puccensis Capitaneus? Sed
tantum abest ut se op-
eraret, ut etiam zelozis-
si Regem STANISLAUM
clamaverit, & dolendo
na, ut supra dixi, lethali
ictus fuerit. Mera igitur
est calumnia est factam es-
se vel minimam, contra op-
erantes, armorum explosio-
ne.

(A) *Nullo fundamento ni-*
hilum temeraria hac assertio:
scilicet conscientia mala dam-
nabat, mortem sibi immi-
nere, nullo prorsus perse-
quente imaginabantur.

violenta facta est Regis impositio. (x) Loco libera
 vocis, imperiosa minæ; sunt audita. Liberum
 veto non solum in Nominatione, sed nec in ullo
 alio loco observatum est. Protestationes plurium
 dignissimorum Nuntiorum, veluti Dominorum
 Opocinensis, Oswiecimensis & Msciboviensis Ca-
 pitaneorum, nec non aliorum ex Cracoviensi,
 Sandomirienfi, & Volhyniæ Palatinatibus Delega-
 torum (y) strepitu framearum suffocata: ora
 manibus obtusa: explosiones armorum velut con-
 tra hostes facta: (z) adeo ut vix cognata acies se-
 cum ad pugnam & ad majus fraterni sanguinis di-
 alios Palatinatus non sunt aggressi: sicque in cam-
 po fuerunt dispositi, ut statim aggredi possent eos
 qui liberam vocem impositioni violentæ præferrent.
 (A) Verbo tota Nominationis facies in triste mu-
 tata spectaculum loco prosperorum, qui expectari
 inde debebant, effectuum, infausta quæque pollice-
 batur. Quare representatis hisce publicis injuriis,
 & grandi totius Reipublicæ universæ pernicie,
 quotquot amore zelo & fraterno uniti nexu ad sal-
 vandam Patriam convenimus, solennem hanc ma-
 nifestationem facimus contra præsentem Electio-
 nem & omnes ejus actus: eamque manibus nostris
 subscriptam tradimus Dominis Marefchallis: ad
 acta quoque Castrenfia eam ad ingrossandum por-
 recturi, ut ceteri fratres nostri de interitu libertatis,
 deque violatis omnibus juribus quibus æqualitas &
 liberum veto innititur certiores reddantur. Actum
 Pragæ 14. Septembris Anno 1733.



Biblioteka Jagiellońska



stdr0015910

ni
o
en
for
ffe
ss.
ger
w.
nat
al
et
a
l
a
m
a
ss
i
ni
le
er
ins
nile
tal
cer
w